

SEMBRAMA WACANA

Lady Lokita Dewi







Teges Sembrama Wacana

Sembrama Wacana inggih punika bebaosan sané katlatarang sané daging lan tetueknyané ngenenin indik nyanggra utawi nyapa para undangan ring sajeroning upacara adat, agama miwah acara sané lianan.

Wenten makudang-kudang soroh Sembrama Wacana manut tatacarane maktayang makadi :



Sembrama Wacana Dadakan

Inggih punika ri kala maktayang Sembrama Wacana nenten nganggén téks, riantukan sang sané nyanggra undangan (sané maktayang Sembrama Wacana) nadaksara kasudi mangda nyanggra para undangan.



Sembrama Wacana Kawacen

Inggih punika Sembrama Wacana sané sampun kaparidabdabang, sampun maduwé téks, tur ri kala maktayang Sembrama Wacana ngawacén téks, riantukan sang sané maktayang Sembrama Wacana punika sampun jangkep sareng naskah sané lagi kawedarang.



Sembrama Wacana Kaapalang

Inggih punika Sembrama Wacana sané sampun kaparidabdabang, sampun maduwé téks, tur sampun kaapalang, rarís ri kala maktayang Sembrama Wacana sang sané ngawedar Sembrama nénten nganggén téks utawi ngawacen téks / lisan.



Sembrama Wacana Ringkesan

Inggih punika Sembrama Wacana sané sadurung kabaktayang sampun nyiagayang naskahnyané sané marupa sesuratan unteng-unteng Sembrama Wacana kewanteren.



Wangun Sembrama Wacana

Sajeroning makarya Sembrama Wacana patut uning indik tata cara
ngaryanang Sembrama
Wacana punika sakadi:

1. **Murda :** Murdan Sembrama Wacanane mangda anut ring topik sane jagi kabaktayang.
2. **Pamahbah :** Pamahbah patut madaging pangastungkara, Pangrastiti ring Ida Sanghyang Widi, matur pangayubagia majeng ring para undangan sané sampun ledang rauh.
3. **Daging :** Daging Sembrama Wacana, mangda anut ring topik acara sané kamargiang mangda para undangan tatas uning ring indik lan pamargin acarane.
4. **Pamuput :** Pamuput patut madaging panyuksma majeng ring para undangan sané sampun prasida rauh micayang uratian lan pangrastitine majeng ring acara sané kemargiang, matur nunas pangampura antuk kakirangan ri kala nyanggra para undangan, taler panyineb antuk parama santi.

Tetikes Sembrama Wacana

Wénten agem-ageman ri kala maktayang Sembrama Wacana, sané kawastanin tetikes makadi :

1. Wicara inggih punika kawagedan utawi kawikanan ring sajeroning indik daging bebaosan (penguasaan materi). Rikala maktayang Sembrama Wacana bebaosane patut manut ring topik Sembrama Wacana sané kabaktayang, mangdané prasida nudut kayun para uleman sane miragiang.
2. Wirasa inggih punika kewagedan sajeroning ngaresepang lan ngerasayang daging bebaosan (menghayati). Ritatkala maktayang Sembrama Wacana kacihnayang antuk pangrasa mangdané para uleman sané sampun rauh rumasa bagia santukan sampun kasanggra becik.
3. Wiraga inggih punika semita lan laras (gerak tubuh) sang sané maktayang Sembrama Wacana, mangda anut ring daging sembrama sane kabaktayang
4. Wirama inggih punika intonasi suara, vokal, tanjek bebaosan rikala maktayang Sembrama Wacana mangda anut ring punggelan lengkara, punika sane ngawinan lengut kapiragi olih para uleman sami.



Sukksma